

佛說羅摩伽經卷第四

體十

乞伏秦沙門釋聖堅譯

爾時善財童子即詣喜目觀察衆生夜天所  
時彼夜天於大眾中處寶蓮華師子之座正  
受菩薩普現光幢喜淨法門一切毛孔出妙  
色雲其有見者喜悅無厭一一毛孔現衆寶  
雲所謂智慧行報饒益衆生離於諍訟以平  
等心不著諸法以上妙智攝諸衆生顯現三  
世修菩薩行心無憚惱能舍難舍普施一切  
身心平等不可思議以布施福普攝衆生於

諸衆生不起染著不見衆相不捨衆生悉具  
三世菩薩苦行十方世界一切衆生無明繫  
縛住癡有結菩薩即以大悲神通解其繫縛  
受於一切毛孔出生一切衆生數等菩薩自  
在隨應變化身雲以此身雲充滿一切虛空  
法界於衆生前示現色身正受不動於衆生  
前三昧神通覺悟衆生不樂世間遠離三界  
滅除生死如避火坑而於一切示現生死現  
天人中種種快樂及成敗相爲諸衆生說不  
淨觀令諸衆生皆悉修行除顛倒想爲諸衆

生說於變易苦惱之法一切受身有爲之法皆悉無常願諸衆生深入佛境界永離無常住不可思議尸波羅蜜恒受諸佛清淨禁戒終不毀犯心無疑惑示諸衆生具足禁戒以戒香熏一切衆生又於毛孔出生一切妙色身雲割截手足及諸肢體捶打逼切訶責惡罵妄語誹謗皆悉忍受於彼衆生不生瞋心不起害意讚歎惡人終不毀犯身心恭敬深生恩愛猶如父母慈念一子雖作此行不生憍慢貢高之心顯現諸法真如法忍善能和

合一切世界諸惡衆生深知盡無盡性虛空智慧行菩薩忍以佛心智斷一切煩惱滅一切結習悉能荷負一切世間醜惡衆生如護眼目願一切衆生成就諸佛金剛忍德淨無瑕穢又於一一毛孔顯現如來清淨色身隨所應度衆生皆令得見又於一一毛孔出生一切諸趣種種色身示現勇猛精進令衆生修行如救頭然降伏諸魔怨得勝不退轉救護於一切拔出生死海永離諸憂患及無明怖畏趣度生死山永離諸欲海供養恭敬一

切諸佛心無疲厭受持守護諸佛法輪勇猛  
精進滅除障礙普攝一切衆生皆令調伏入  
於律行心無懈怠普示一切淨佛國土教化  
衆生莊嚴阿耨多羅三藐三菩提心如是功  
德皆從精進波羅蜜本事果報生一一毛孔  
出現一切種種形色以諸方便除滅衆生諸  
憂惱苦皆令歡喜訶責厭患一切五欲深生  
慚愧調伏諸根修行無上最勝梵行淨身口  
意業顯現世間一切所欲皆不可樂示現如  
是種種形色皆令快樂常樂受持出生正法

心不散亂安住深入九次第定除滅衆生一  
切煩惱令得安樂顯現菩薩諸三昧海通明  
自在神力境界令諸衆生身心歡喜滅煩惱  
熱得清涼樂增進善法身口意業常得善寂  
諸根悅豫得法喜樂又於一一毛孔示現一  
切五道生處並十令十方五道皆見其身諸佛  
所盡一切佛利諸佛師長及善知識恭敬供  
養心不懈倦一切如來所轉法輪悉能受持  
終不疲厭不生退轉究竟一切諸佛刹海化  
度衆生示現一切法海護持正法不見法相

於一實相示現一切諸三昧門身心清淨能  
斷一切衆生疑惑以智慧力分別一切衆生  
心海以金剛慧破壞衆生諸邪見山心生圓  
滿明淨慧日於一念中能除衆生癡冥闇蔽  
令諸衆生遠離聲聞辟支佛地疑惑顛倒有  
無二邊皆悉歡喜得智慧樂悉教一切迴向  
佛道又於一切毛孔出生一切衆生塵數等  
身示現種種色身不思議身隨所應度悉現  
其前於一音中說無量音無量音中演說一  
音隨諸一切衆生類語說一切諸佛功德之

藏示行世間有作無作有記無記悉了三世  
業行果報不樂三界讚歎出世離三界法一  
切顛倒邪見饑鍾皆令出離向甘露道趣一  
切智超出諸地二乘怖畏於有爲無爲心無  
所著背捨生死三向涅槃不捨衆行不離諸  
趣往來五道無有疲厭發勝進心成於平等  
以正覺法教化衆生得一切智一一毛孔出  
生示現一切佛刹微塵數等變化身雲徧現  
一切諸衆生前修普賢行滿一切願不可窮  
盡勸進衆生向薩婆若於一念頃示現修習

一切淨行供養恭敬一切如來心無厭足建  
法幢摧外道守護一切諸菩薩行心心相續  
具足一切諸波羅蜜一一微塵海出生一切  
諸法性海演說一切法音聲海徧滿十方微  
塵利海以此音聲復盡微塵世界海劫長養  
諸  
一切衆生善根住壽一切無量無邊阿僧祇  
微塵數佛刹利海阿僧祇等微塵數不可說不  
可說劫爲諸衆生令得增進復過是數住壽  
不滅於劫壞時承佛神力令得不滅三世一  
切微塵佛刹諸佛出世悉令往詣恭敬供養

守護受持佛正法輪遊戲神通淨佛國土教  
化衆生至彼處令諸衆生皆大歡喜熙怡  
快樂於一一毛孔出一切化身應一切衆生  
衆生業報現一毛孔又於一一毛孔雨一切  
供養具供養諸佛給施衆生法王心力故無  
壞境界不可窮盡堅住如相不退不沒心行  
平等無住無著出生歡喜無極清淨之行以  
慈心力除滅一切衆生罪惡菩薩本誓善願  
之力摧壞四魔滅除一切煩惱業山盡諸世  
法修大慈悲菩薩行得不退轉普攝一切十

方世界有緣衆生令得修行諸波羅蜜示現  
菩薩無盡功德逮得菩薩轉法輪幢勝妙善  
提諸陀羅尼以此勝慧降伏外道具菩薩行  
力波羅蜜爲諸衆生趣向薩婆若故一一毛  
孔示現一切衆生平等身相令衆樂見又於五  
一一毛孔顯現一切衆生類海又復顯現無  
量無數微塵數等不可說十方世界海微塵  
數等諸妙色身皆悉顯現隨應衆生菩薩智  
慧行力顯現不可說不可說智慧大海善知  
一切衆生心海善知一切衆生根海知諸衆

生心心數海深入究竟智慧法界於念念頃  
善能充滿一切法界解脫於世間讚歎出世  
間莊嚴淨佛國土讚歎淨國衆生習學諸佛  
遊戲神通讚歎諸佛神通願力詣諸佛所供  
養恭敬守護受持正法輪雲顯現智慧十波  
羅蜜令諸衆生皆大歡喜滅除熱惱遠離憂  
感及世八法悉捨衆惡調伏諸根於一切智  
得不退轉如是諸波羅蜜歡悅安樂化度衆  
生諸大菩薩以此勝法震大法雷覺寤一切  
睡眠衆生以湊慧法智力光明普能正彼狂

亂惡行亦見諸佛本性淨行於一毛孔皆悉顯現而不障礙喜目觀察衆生夜天神所修功德求善知識詣諸佛所親近供養修習諸善行檀波羅蜜難捨能捨悉捨王位國土城邑官殿臣妾人民眷屬出家學道是名行檀波羅蜜行尸波羅蜜修持淨戒如護一日雖受一切世間衆苦於所持戒而不毀犯一切衆生所不能爲菩薩行之是名行尸波羅蜜行羼提波羅蜜一切衆生瞋恚惡罵捶打毀謗逼切其身皆悉堪忍無瞋恚色一切衆生

奪其利樂害及親愛受如是苦心大歡喜譬  
如比丘入第三禪身心悅樂深信諸法堪受  
諸法不生不滅是名行羼提波羅蜜行毗梨  
耶波羅蜜爲一切智故悉受衆苦節節火燒  
終不恐怖爲一切智故起大勇猛如救頭然  
四十一  
專求菩提身心堅固不可毀壞無疲極念終  
不退轉是名行毗梨耶波羅蜜行禪波羅蜜  
身心不亂而偏諸方滿足清淨禪波羅蜜勇  
猛精進不捨三昧名禪波羅蜜而得清淨究  
竟一切諸清淨行入勝三昧神通遊戲度大

智海念念相續皆悉次第入清淨定是名禪  
波羅蜜滿足諸方便身心常淨是名禪波羅  
蜜一切禪定海究竟諸三昧海次第相續未  
曾斷絕是名禪波羅蜜行般若波羅蜜不著  
彼不著此於空法中得大解脫是大菩薩清  
淨圓滿般若波羅蜜自然智慧出生清淨慧  
日身心不著入智慧藏究竟觀察大智慧海  
般若波羅蜜不著法相行勝清淨智境界吉  
祥般若波羅蜜出生妙義智慧海般若波羅  
蜜行方便者出生一切諸方便身普智一切

智明淨法界勝進力是名方便波羅蜜淨慧  
方便生法性生身出入息頃得淨方便無二  
本行是名方便波羅蜜諸菩薩等本弘誓願  
出清淨身現生具足攝受衆生於一切衆生  
及諸善行心淨無著是名行方便波羅蜜行  
願波羅蜜出生一切願海身深入一切智慧  
七諸三昧海超過一切聲聞辟支佛地示現出  
生本淨願行波羅蜜不捨不得隨所願求智  
慧本行淨諸願身是名行淨願波羅蜜行力  
波羅蜜備諸功德如意自在修助道法是名

力波羅蜜因助道法饒益衆生修諸功德不著功德不見功德相是名力波羅蜜因力果力皆悉具足猶如大海是名力波羅蜜顯示種種法序說諸智力是名力波羅蜜雜因果力演說智力知雜業力是名行力波羅蜜行智波羅蜜身智波羅蜜名字清淨智波羅蜜智慧境界智波羅蜜正疾行智波羅蜜普現光明猶如妙香異物同薰如呼聲響一切皆應是名智波羅蜜智焰光明勝妙音聲演說義味無有窮盡普攝一切是名智波羅蜜智

波羅蜜出生成滿本行果報性相清淨是名智波羅蜜智波羅蜜無著無護一切智集諸無著助菩提分智慧明了具勝進地深入甚深智行境界是名智波羅蜜智波羅蜜深入微妙知法性法智攝受諸法隨順智慧善知福田及非福田如實之相是名智波羅蜜諸如來智超出三界了達三世善知菩薩一切行業普集衆智無所罣礙亦知菩薩正智住處應修正行又復善知從初發心趣向上地以方便心善知迴向善知諸法如業如報如

善知法輪如知法輪如相是名智波羅蜜勝妙無著攝受正法攝受正法者總知一切法總知一切法者知法如來知法如去善知業智境界善知刹利境善知諸劫善知三世智出生諸佛智知佛智等正智知菩薩智知菩薩智知菩薩住智知菩薩功德智慧智知菩薩淨心迴向智知諸天願智轉法輪智知分別法智入法海智知方便海智知法旋流陀羅尼智知諸法至趣智知如是等一切智波羅蜜深遠無底廣大無邊究竟無際如第十一

是勝智十波羅蜜於一毛孔皆悉顯現一切毛孔皆悉顯現諸變化身化度衆生又於一切毛孔出生無量身雲所謂阿迦臘吒天身雲淨居天身雲善現天身雲不熱天身雲果實天身雲偏淨天身雲無量淨天身雲少淨天身雲淨果天身雲廣果天身雲無量淨果天身雲少淨果天身雲光音天身雲無量光音天身雲少光音天身雲大梵天身雲梵輔天身雲梵富樓那天身雲梵富樓吉那天身雲梵印天身雲梵自在天身雲他化自在天

王及其天子天女身雲化樂天王化樂天子  
天女身雲兜率陀天王兜率陀天子天女身  
雲焰摩天王及其天子天女身雲釋提桓因  
天王及三十二輔臣天子天女身雲提頭賴  
吒天王及天子天女眷屬一切乾闥婆男女  
跋十  
身雲毗樓勒又天王及其眷屬天子天女一  
切鳩槃荼男女身雲毗樓博又天王及其眷  
屬天子天女一切龍男女身雲毗沙門天王  
及其眷屬天子天女一切夜叉男女身雲緊  
那羅王及一切緊那羅男女身雲摩睺羅伽

王及一切摩睺羅伽男女身雲迦樓羅王及  
一切迦樓羅男女身雲阿脩羅王及一切阿  
脩羅男女身雲閻羅王及一切閻羅王男女  
身雲并及地獄惡趣身雲人王身雲男女身  
雲童男童女身雲出如是等一切諸趣身雲  
聲聞辟支佛仙人身雲地神水神火神風神  
海神河神山林樹神穀神味神藥草神園觀  
神泉池神城郭神道場神夜神晝神虛空神  
方神道神影神日精神諸魍魎神身形神金  
剛力士神步行神如是等一切神身雲普偏

十方一切世界爲法界等一切衆生現喜見身爾時喜目觀察衆生夜天從初發心所行功德積集無量諸波羅蜜次第受生死此生彼輪轉五道及其名號親近善知識值遇諸佛親近供養聞持正法行菩薩行心無罣礙得諸三昧次第觀見一切諸佛色身相好見諸佛利及見諸劫次第成壞得淨智慧深入法界觀察衆生知衆生海死此生彼得淨天耳次第悉聞一切音聲以聞聲故得知他心智悉知衆生心心所念無礙神足次第自在

不著世間不受後有盡虛空界淨法性身修得神通淨妙報果充滿十方得諸菩薩次第法門究竟菩薩諸法門海菩薩自在勇猛精進菩薩遊步獨無所畏至於正趣離生死相勝妙清淨集諸功德如意法門等一切法界等示彼一切功德身雲示一切智慧身雲演說法音開現教化令得歸依徧一切處示現大道於風輪中扇動出聲示現說法令彼受持示教利喜思惟不著地動水流海波火焰山相擊聲諸天宮城震動之聲摩尼寶殿震

吼之聲天王形色鼓舞之聲龍王起雲雷震  
之聲夜叉乾闥婆阿脩羅迦樓羅緊那羅摩  
曇羅伽等一切神王於十寶山種種音聲轉  
輪聖王及諸小王一切人衆男女音聲梵王  
音聲一切諸天歌頌音聲天樂音聲摩尼寶  
王神珠音聲夜天音聲聲聞緣覺菩薩音聲  
如來音聲如來化身所出音聲如是等種種  
音聲爲諸衆生分別演說喜目觀察衆生夜  
天從初發心功德境界難得能得一切苦行  
難行能行如是等行皆承佛力而得通達一

切功德變化身雲於一身雲說此清淨無  
著法雲間無斷絕於念念中遊十方世界修  
於淨土復令過是無量無邊世界應受惡道  
苦無量無邊諸衆生等成就天人樂無量無  
邊衆生度生死海無量無邊衆生安住聲聞  
辟支佛地無量無邊衆生離聲聞辟支佛地  
十一  
得諸菩薩不退轉行不可思議廣博喜幢自  
在法門於念念中令無量無邊衆生住如來  
地爾時善財童子皆得見聞善知解了諸奇  
特事正念思惟觀察分別深入禪定智慧安

住平等何以故與彼夜天先身同行故佛所  
護念故成就不可思議如幻諸善根故具足  
菩薩不思議根故成就菩薩諸善根故具足  
如來種姓家故得善知識恩力故一切如來  
無著神力之所持故毗盧遮那佛本願力故  
成就善根堪受普賢菩薩諸願行故爾時善  
財童子得菩薩歡喜淨光明大海幢法得十  
方一切諸如來力得彼夜天毗羅摩伽菩薩  
幢法門得彼法門已深入觀察普照十方光  
明法海三昧爾時善財童子即起恭敬合掌

以偈讚歎彼夜天曰  
無量無數劫 深入最勝法 顯現妙法身  
隨衆所應見 了知羣生心 無明顛倒感  
以種種方便 度脫衆生類 常淨妙法身  
久除諸熱惱 非二示有二 度脫衆生故  
陰入及與界 悉皆無所著 衆行及色身  
解脫一切有 不著內外法 越度生死海  
淨明智慧光 普照生死閻 喜目根無著  
除滅諸疑惑 一切樂世樂 為現佛十方  
無礙三昧力 於一一毛孔 出諸化身雲

心念生三昧 心念三昧力 供養十方佛  
攝取諸衆生 究竟一切法 觀察諸有海  
業行自莊嚴 演說無礙道 令衆清淨故  
相好備嚴飾 猶如普賢像 隨應受化身  
顯現無礙身

第十一

爾時善財童子偈讚歎已白言天神發阿耨  
多羅三藐三菩提心爲已幾時得此法門其  
已久如爾時夜天以偈答言  
我念過去世 無量劫塵劫 爾時有一劫  
有城名香水 國土名智慧 十二億百千

那由四天下 名曰寂靜音 城有轉輪王  
清淨妙色身 具三十二相 八十好莊嚴  
妙身圓滿幢 閻浮檀金色 光明照一切  
安詳遊虛空 轉輪王千子 勇猛身端正  
大臣有一億 智慧悉賢明 有十億妓女  
端嚴如天后 大慈悲柔軟 奉給侍大王  
時彼轉輪王 常以正法治 總領諸山地  
一切四天下 奢國捨世榮 出家求佛道  
我爲聖王后 具足梵音聲 身出金色光  
周照四萬里 日光既已沒 中夜閑寂然

我當於爾時 神瑞降善夢 聞佛出世聞  
號曰功德海 顯現自在力 充滿十方界  
放光明網海 照一切刹土 無量自在身  
充滿十方界 種種變化身 龍十  
充滿恒河沙 遍照一切趣 十三  
自然出妙音 如來出興世 天地六種動  
一切毛孔中 出佛化身海 龍十一  
衆生皆歡喜 充滿十方界  
願我如世尊 如來自在力  
我夢見佛光 心生大歡喜  
無量那由他 即發弘誓願  
我於二萬歲 喜樂充滿身  
一切悉奉施 春屬四兵衆  
身心大歡喜 十千夜天神  
充滿虛空中 開發覺寤我  
讚歎彼如來 龍十二

彼天告我言 賢慧汝今起 佛已興汝國  
劫海難值遇 聞此音歡喜 即見明淨光  
觀察從何來 道場樹王所 我見如來身  
如須彌山王 一切毛孔中 放大光明海  
見佛自在力 道場樹王所 我見如來身  
心生大歡喜 一切毛孔中 放大光明海  
即發弘誓願 一切毛孔中 放大光明海  
夫人覺語王 即時與大王  
眷屬及婬女 喜樂充滿身  
眷屬四兵衆 往詣如來所  
常供養如來 七寶四天下  
彼佛為我說 功德普雲經

大願海莊嚴 隨聞度衆生 我發大誓願  
未來作夜天 諸有放逸者 悉令遠衆惡  
爾時我初發 無上菩提心 生死有爲中  
未曾有忘失 從是復供養 十億那由佛  
生死海受樂 饒益諸衆生 初佛功德海

次第復有劫 名曰天妙勝 世界名寶光  
五百佛興世 初佛圓滿月 第二明淨日  
第三光幢佛 四須彌山王 第五華焰海  
六智慧海幢 第七然燈佛 第八大德藏  
第九光明幢 第十普智王 如是等諸佛

我已悉供養 四十一 未離五陰苦 四十二 非樂生樂想  
於法不生疑 四十三 亦不疑正法 四十四 次第復有劫  
八圓滿智王 第九寶焰佛 四十五 次第復有劫  
第十日音聲 我已悉供養 四十六 彼有無量佛  
如是等諸佛 四十七 爾時有世界 四十八 名蓮華燈雲  
十億那由他 猶未得慧眼 四十九 及諸佛眷屬 五十 我已悉供養  
聞受持正法 五十一 初佛名寶山 五十二 第二功德海

法界須彌幢 第四法須彌 第五法幢佛  
第六地威神 第七法力佛 第八虛空慧  
第九法焰山 第十照明山 如是等諸佛  
我已悉供養 猶未了真實 究竟盡法海  
次第復有劫 名曰歡喜德 究竟盡法海  
名曰光功德 彼劫有八十 那由他諸佛  
我已悉供養 禮敬最勝尊 初乾闥婆王  
二壽命樹王 三須彌功德 第四寶眼佛  
五毗盧遮那 六賢聖莊嚴 第七法勝王  
第八明淨德 第九世間王 十一切法王

如是等諸佛 深入諸法門 次第復有劫  
爾時有世界 究竟盡法海 名曰淨不壞  
除無量煩惱 功德已莊嚴 十佛興世間  
有千佛興世 無量德莊嚴 嚴淨諸衆生  
令衆悉清淨 無量德莊嚴 除滅煩惱垢  
雜十初佛名無爭 第二無礙力  
第三法界光 第四梵髻王 五波樓那天  
第六衆生歸 七圓滿忍燈 八具足法燈  
九光明嚴海 第十威神王 如是等諸佛  
我皆已供養 猶未解真法 遊行一切刹

次第復有劫  
名曰清淨起  
彼佛所說法  
二名法身海  
第五勝法雲  
八名虛空力  
九名普勝起  
供養彼佛已  
名明淨金剛  
五百佛興世  
求無礙法門

名曰香燈刹  
一億佛興世  
我聞悉受持  
三名勇猛頂  
六名天首冠  
第七智談佛  
十名妙德首  
成就八正道  
次第復有劫  
名曰勝稱音  
八十那由他  
爾時有世界  
諸佛興出世  
初佛號華聚  
第四天周羅  
第六號金山王

爾時有世界  
嚴淨一切劫  
初名法稱王  
四功德法王  
第七智談佛  
我已悉供養  
我皆悉嚴淨  
猶未得具足  
究竟深法忍  
次第復有劫  
名曰寂靜音  
我已悉供養  
於彼修正道  
第三功德起  
第五摩尼藏

第六名須彌相  
第九功德山  
第十光明王  
我已悉供養  
我皆悉嚴淨  
一切最勝道  
猶未得具足  
究竟深法忍  
次第復有劫  
名曰寂靜音  
我已悉供養  
於彼修正道  
第三功德起  
第六號金山王

第五法最王  
第八功德王  
如是等諸佛  
我皆悉嚴淨  
一切最勝道  
猶未得具足  
究竟深法忍  
次第復有劫  
名曰寂靜音  
我已悉供養  
於彼修正道  
第三功德起  
第六號金山王

第九法幢佛 第十號財首 如是等諸佛  
我已悉供養 次第復有劫 名千首功德  
爾時有世界 置十名曰善華燈 六億那由他  
諸佛興出世 我已曾供養 彼一切諸佛  
初佛寂靜幢 第二智印王 第三號百燈  
四功德雲王 寂靜光明王 十六第六明淨日  
第七法燈王 八功德首王 九天功德藏  
十智慧雲雷 如是等諸佛 我皆已供養  
未得無生忍 究竟諸法門 次第復有劫  
名無著焰光 爾時有世界 名無量勝光

有三十六億 那由他佛出 如是等諸佛  
我皆已供養 初號普山王 第二虛空心  
第三號集智 第四莊嚴藏 第五法海音  
第六持音聲 第七化音聲 第八化雲海  
九功德音海 第十妙音幢 十一普威德  
第十二法海 十三集音聲 十四功德海  
十五燈明首 十六寶焰首 十七燈明佛  
十八功德焰 十九月天佛 二十功德勝  
彼諸如來等 我皆得值遇 彼兩足世尊  
出興於世時 我爲功德天 供養彼最勝

時佛爲我說 莊嚴大海願  
皆悉能受持 我得明淨眼  
於一念中 悉見無數刹  
深入方便雲 心淨如虛空  
始發菩提心 廣大如虛空  
爲度衆生故 盡未來際劫  
觀察諸衆生 常樂我淨倒  
煩惱起虛妄 邪見貪欲等  
一切諸趣中 具受不善報  
種種業受身 生老病死患  
無量苦逼迫

陀羅尼念力  
三昧陀羅尼  
出生大悲藏  
皆從夢中生  
究竟無邊際  
願求諸佛力  
愚癡闇所覆  
無量諸惡業  
一切諸趣中  
我發無上心  
成滿如來力  
修習於正道  
無量功德雲  
廣大波羅密  
聲聞十方刹  
聞此羅摩伽  
攝持一切法  
修習無礙行  
爾時夜天說此偈已頭面敬禮  
莊嚴大海願  
滿足大願雲  
具足諸功德  
充滿諸法界  
一切諸佛所  
入淨深法界  
三世方便海  
一心具佛智  
智慧悉通達  
一切諸佛未  
令至諸佛所  
常見一切佛  
一向廣專求  
一切諸佛所  
舉頭頃見一切如來足下千輻相輪逆觀如

來一切相好於佛相好中身心明了不著相  
好以廣大心速疾聞佛五分法身香究竟一  
切諸波羅蜜住菩薩地盡佛法海遠離一切  
三世色聲香味觸法海住普賢菩薩廣行究  
竟地圓滿清淨大境界地於一念頃普現十  
方無量佛刹具十法門一一法門具足無量  
無邊不可思議阿僧祇等諸法界海盡一切  
苦際皆悉深信佛子如是等種種功德我已  
久修信解受持具普賢行善男子爾時智慧  
轉輪聖王劫劫相續常紹王位受佛種性生

釋種家不斷如來善寂種性者豈異人乎今  
文殊師利童子是也爾時轉輪聖王夫人賢  
慧玉女者今我喜目觀察衆生夜天是時覺  
寤我夜天者今普賢菩薩所變化身是善男  
子我於爾時夜夢覺已見佛光明初發阿耨  
多羅三藐三菩提心發是心已於無量佛刹  
四十一微塵數劫不墮惡道常生天上下在人中受  
諸快樂值見諸佛於其中間經無量劫乃至  
報應首功德幢如來應供正遍知所得此普  
光喜幢法門得此法門已示現種種身調伏

衆生隨順開發皆令隨順近善知識若天若人及餘一切於未來世聞向佛名及聞普光喜幢法門毗羅摩伽三昧名號受持讀誦解說書寫亦得超越無量佛刹微塵劫海生死之罪不墮惡道常生天上人中受諸快樂常見諸佛聞法受持終不忘失善男子我於寶光功德焰佛所得此普光喜幢速疾法門得此法門已一向尋求諸善知識身心諸根歡喜悅樂遊諸方面調伏衆生令入律行善男子我惟知此普光喜幢法門毗羅摩伽三昧

圓滿清淨勝光境界諸大菩薩於念念頃不離善知識深入方便智慧大海因善知識出生長養速疾法門發一切大願海於一切劫不離善根念念相續近善知識求妙功德救護衆生悉具一切普賢菩薩所行之道爾時

卷十  
十九

喜目觀察衆生夜天爲善財童子顯現菩薩教化一切世間法門境界相好莊嚴身相眉間白毫相中放大光明名普慧焰燈清淨幢無量光明照一切世界已大善財頂充滿其身爾時善財童子即得毗羅摩伽圓滿三昧

得此三昧已於一一身充滿法界於一切地水火風微塵衆寶微塵香微塵金剛微塵摩尼珠微塵碎末微塵一切莊嚴微塵如是等一一微塵海中悉見佛利微塵等世界成壞四大成敗相風輪水輪金剛輪地輪種種莊嚴衆山圍繞無量大海諸天宮殿諸雜寶樹種種莊嚴諸龍宮殿夜叉乾闥婆阿脩羅迦樓羅緊那羅人非人等城郭宮殿地獄餓鬼閻羅王處死此生彼皆悉了知諸法因果一身中普現一切法界等身悉見一切諸佛

刹土隨所應化度脫衆生業報好醜以微妙音普爲說法令此法音從毛孔入令諸衆生皆得法行見一一刹及見一切世界微塵數刹見無量無邊一切諸佛如來海深入善根於諸佛所住一切法界於無量佛所得無量法門越度生死遊戲神通於一一佛所自念從初發心修菩薩本行普集善根一切境界果報於一一佛所得聞諸佛所轉法輪受持不忘守護正法以本願善根力悉見三世一切佛海越生死流善男子諸大菩薩成就如

是無量無邊諸大功德我當云何能知能說  
彼功德行爾時喜目觀察衆生夜天告善財  
童子言我以此普光喜幢法門力故常見諸  
佛間無空缺以此義故偏一切處守護佛法  
盡虛空界心不疲厭云何能爲守護一切諸  
第十一  
佛正法以毗盧遮那佛本願力故及觀世音  
菩薩摩訶薩威神力故持百寶蓮華陀羅尼  
咒擁護受持讀誦行正法者爾時喜目觀察  
衆生夜天承佛神力即說百寶蓮華陀羅尼  
咒

多蛭他 摸利翅 波闍羅摸利翅 賦摩  
他移 毗賈摩他移 波闍波檀尼翅 鬱  
他婆尼翅莎呵 禪頭翅 曼頭翅莎呵  
賈俾多鉢頭摩 無至翅莎呵 因陀羅波  
尼翅莎呵 曼檀彌莎呵喻闍彌莎呵

若有受持此咒者不墮地獄餓鬼畜生於現  
身上終不橫死不遭縣官牢獄繫縛常受一  
切清淨快樂若有得此陀羅尼者當知此人  
常得不離值見諸佛亦復不離聞佛說法轉  
正法輪又復常得無盡清淨法音聲海辯才

印陀羅尼若有得聞此陀羅尼者具足一切  
菩薩淨行必度生死海當到彼岸爾時善財  
童子聞此陀羅尼已恭敬頂禮喜目觀察衆  
生夜天足繞無數而專心思惟正念善薩圓  
滿淨幢菩薩法門思惟分別觀察正受念善  
知識教深入隨順善知識教時彼夜天告善  
財言善男子此佛衆中有一夜天名普覆衆  
生威德汝請彼問云何菩薩學菩薩行具菩  
薩行修菩薩道時善財童子頭面敬禮喜目  
觀察衆生夜天足辭退而行詣普覆衆生威

德夜天所求善知識心無厭足即得發起宿  
世善根一切境界此境界力普見十方諸佛  
菩薩諸善知識威儀庠序捨離憍慢深生恭  
敬所見菩薩及善知識念念相續無有異心  
皆悉歸依諸善知識彼諸菩薩從初發心堪  
爲法器乃至十地求善知識如我無異常爲  
善知識之所覆護聞善知識所說密語憶持  
在心終不忘失爲成菩提故修一切善根莊  
嚴功德具諸方便皆由先世親近善知識故  
爾時普覆衆生威德夜天普放光明此光明

名調伏一切衆生律儀示現莊嚴法門得此  
法門故具足相好以莊嚴身以此相好身示  
一切衆生令得歡喜一一相好示現一切衆

相光明現光明已於白毫相放一切光以此

光明普照一切以一切光以爲眷屬此光以

普智焰毗羅摩伽圓滿明淨三昧境界又此

光明無量無邊無有涯際普照十方一切世

間已入善財童子頂充徧其身於其身內悉

見衆生死此生彼善惡業報皆悉現於善財

身中爾時善財童子即得極妙清淨毗羅摩

伽三昧得此三昧時無量無邊諸衆生等發  
阿耨多羅三藐三菩提心一切大衆皆大歡  
喜禮佛而退

佛說羅摩伽經卷第四

永樂北藏

佛說羅摩伽經

第三二冊